

ელექტრონული ტენდერი SPA170006087 სს „საქართველოს სახელმწიფო ელექტროსისტემისათვის“ ძალოვანი კაბელის, ელ. სადენისა და მეხდამცავი გვარლის შესყიდვაზე. „მიმწოდებელი“ - სს „საქკაბელი“.

ხელშეკრულება საქონლის შესყიდვის შესახებ # 60 - 7 - 117 - 1361

ქ. თბილისი

2017 წ. 13.07

I. მხარეები

წინამდებარე ხელშეკრულება დადებულია 2017 წლის 13 ივლისი, ერთი მხრივ სს „საქართველოს სახელმწიფო ელექტროსისტემას“ (შემდგომში „შემსყიდველი“), წარმოდგენილი მისი რეაბილიტაციის მმართველის/მმართველთა საბჭოს თავმჯდომარის სულხან ზუმბურიძის სახით და მეორეს მხრივ სს „საქკაბელი“ (შემდგომში „მიმწოდებელი“), წარმოდგენილი გენერალური დირექტორის ნესტორ ლუთიძის მინდობილი პირის, კომერციული დირექტორის კონსტანტინე ჯანაშვილის სახით (მინდობილობის N160481774), შორის, რომლებიც მოქმედებენ საზოგადოების წესდებისა და მოქმედი კანონმდებლობის საფუძველზე.

II. ხელშეკრულების საგანი

2.1. „მიმწოდებელი“ ვალდებულია „შემსყიდველს“ მიაწოდოს საქონელი (CPV კოდი : 31300000) დანართი №1-ის (ფასების ცხრილი) და დანართი №2-ის (საქონლის ტექნიკური პარამეტრები და რაოდენობა) შესაბამისად.
2.2 დანართი №1 და დანართი №2 წარმოადგენს წინამდებარე ხელშეკრულების განუყოფელ ნაწილს.

III. საქონლის ღირებულება და ანგარიშსწორების პირობები

3.1. საქონლის საერთო ღირებულება განსაზღვრულია წინამდებარე ხელშეკრულების დანართი №1-ის (ფასების ცხრილი) შესაბამისად და შეადგენს 66 078.06 (სამოცდაექვსი ათას სამოცდათვრამეტი ლარი და 6 თეთრი) ლარს დღგ-ს ჩათვლით (შემდგომში – „ხელშეკრულების ღირებულება“).

3.2 ანგარიშსწორება განხორციელდება ფაქტობრივად მოწოდებულ საქონელზე მიღება-ჩაბარების აქტის გაფორმებიდან და საგადასახადო ანგარიშ-ფაქტურის წარმოდგენიდან 8 (რვა) სამუშაო დღის განმავლობაში. ანგარიშსწორება განხორციელდება ფაქტიურად მოწოდებული საქონლის მოცულობის (წონის) შესაბამისად.

3.3 ანგარიშსწორება განხორციელდება ლარებში უნაღდო ანგარიშსწორების ფორმით.

IV. მხარეთა უფლება-მოვალეობები

4.1. „მიმწოდებელი“ მოვალეა გადასცეს „შემსყიდველს“ საქონელი (ექსპლუატაციაში არ მყოფი, ახალი) შემდეგ მისამართზე: ქ. თბილისი. ქიქმარაულის ქუჩა #29, სს „სსე“-ს მატერიალურ-ტექნიკური ბაზის ცენტრალური საწყობი

- ❖ ელ.სადენი NYM-ი 3X 2,5 (სპილენძის) ერთძარღვა - ხელშეკრულების გაფორმებიდან 10 (ათი) სამუშაო დღეში;
- ❖ ელ.სადენი პვს 3X 2,5 (სპილენძის) მრავალძარღვა - ხელშეკრულების გაფორმებიდან 10 (ათი) სამუშაო დღეში;
- ❖ მეხამრიდი ფოლადის გვარლი C -50 (тк) - ხელშეკრულების გაფორმებიდან 40 (ორმოცი) კალენდარულ დღეში;
- ❖ ფოლად-ალუმინის სადენი ACKII-120/27 - ხელშეკრულების გაფორმებიდან 40 (ორმოცი) კალენდარულიდღეში;
- ❖ დანადგარის დამიწებისთვის სპილენძის მრავალწვერა იზილირებული სადენი 1*95 მმ - ხელშეკრულების გაფორმებიდან 40 (ორმოცი) კალენდარულ დღეში;
- ❖ 1კვ (1X70მმ2) სპილენძის არაეკრანირებული კაბელი, არაბრონირებული-ხელშეკრულების გაფორმებიდან 40 (ორმოცი) კალენდარული დღე
- ❖ ძალოვანი კაბელი სპილენძის ეკრანირებული 0,4კვ (3X95+1X50მმ2), არაბრონირებული- ხელშეკრულების გაფორმებიდან 40 (ორმოცი) კალენდარულ დღეში;

4.2 საქონელის მოწოდება უნდა განხორციელდეს წინამდებარე ხელშეკრულების დანართი#1-ის (ფასების ცხრილი) და დანართი#2-ის (საქონლის ტექნიკური პარამეტრები და რაოდენობა) შესაბამისად.

4.2.1 „მიმწოდებელმა“ საქონლის მოწოდებისას უნდა წარმოადგინოს საქონლის ხარისხის დამადასტურებელი სერთიფიკატი ან/და ქარხანა დამამზდებლის პასპორტი შემდეგ საქონელზე:

- ❖ მეხამრიდი ფოლადის გვარლი C -50 (тк)
- ❖ ფოლად-ალუმინის სადენი ACKII-120/27;
- ❖ დანადგარის დამიწებისთვის სპილენძის მრავალწვერა იზილირებული სადენი 1*95 მმ,
- ❖ 1კვ (1X70მმ2) სპილენძის არაეკრანირებული კაბელი, არაბრონირებული;
- ❖ ძალოვანი კაბელი სპილენძის ეკრანირებული 0,4კვ (3X95+1X50მმ2), არაბრონირებული;

ელექტრონული ტენდერი SPA170006087 სს „საქართველოს სახელმწიფო ელექტროსისტემისათვის“ ძალოვანი კაბელის, ელ. სადენისა და მეხდამცავი გვარლის შესყიდვაზე. „მიმწოდებელი“ - სს „საქკაბელი“.

4.3. „შემსყიდველი“ მოვალეა:

4.3.1 ხელშეკრულებით გათვალისწინებული პირობების თანახმად გადაიხადოს მიწოდებული საქონლის ღირებულება;

4.3.2 შეამოწმოს საქონლის მდგომარეობა ვარგისიანობაზე;

4.3.3. წერილობით შეატყობინოს „მიმწოდებელს“ მიღების ან ექსპლუატაციის დროს საქონელზე შემჩნეული ნაკლის აღმოჩენისთანავე.

4.4 „მიმწოდებელი“ ვალდებულია წერილობით აცნობოს „შემსყიდველს“ მოცემული ხელშეკრულების ფარგლებში დადებული ყველა ქვეკონტრაქტის შესახებ და წარმოადგინოს მათთან დადებული ხელშეკრულების ასლები.

4.5 ამ ხელშეკრულების ფარგლებში დადებული არც ერთი ქვეკონტრაქტი არ ათავისუფლებს „მიმწოდებელს“ ხელშეკრულებით გათვალისწინებული მატერიალური ან სხვა ვალდებულებებისაგან. საბოლოო ურთიერთობა „შემსყიდველსა“ და „მიმწოდებელს“ შორის ხორციელდება ამ კონტრაქტით განსაზღვრული პირობებით.

V. გარანტია

5.1. „მიმწოდებელი“ იძლევა გარანტიას, რომ მიწოდებული საქონელი მისი ექსპლუატაციის ნორმების დაცვის შემთხვევაში, არ გამოავლენს დეფექტებს.

5.2. შესაბამისი ექსპლუატაციის პირობებში „მიმწოდებლის“ მიერ მოწოდებულ საქონელზე საგარანტიო ვადა არის 3 (სამი) წელი შესაბამისი მიღება-ჩაბარების აქტის გაფორმების დღიდან.

5.3. საგარანტიო ვადის განმავლობაში თუ გამოვლინდება რაიმე ხარვეზი ან შეუსაბამობა, „მიმწოდებელი“ ვალდებულია თავისი ხარჯებით გამოსწოროს ხარვეზი „შემსყიდველის“ წერილობითი შეტყობინების მიღებიდან 10 (ათი) კალენდარული დღის განმავლობაში, თუ ეს შეუძლებელია „მიმწოდებელმა“ „შემსყიდველის“ წერილობითი შეტყობინების მიღებიდან 40 (ორმოცი) კალენდარული დღის განმავლობაში უნდა შეცვალოს საქონელი.

VI. მხარეთა პასუხისმგებლობა

6.1 „მიმწოდებლის“ მიზეზით საქონლის დაგვიანებით, არასრულად, ხარვეზით ან საერთოდ არ მიწოდების შემთხვევაში, „მიმწოდებელი“ მოვალეა გადაიხადოს პირგასამტეხლო მოუწოდებელი საქონლის ღირებულების 0,1%-ის ოდენობით, ყოველ ვადა გადაცილებულ დღეზე, ხარისხიანი საქონლის სრულად მიწოდების დღემდე ან ხელშეკრულების შეწყვეტის დღემდე, რომელი ვადაც უფრო ადრე დადგება.

6.2 ამ ხელშეკრულების 6.1 პუნქტით გათვალისწინებული პირგასამტეხლო „მიმწოდებელს“ გადასახდელად დაერიცხება აგრეთვე იმ შემთხვევაში, თუ მიმწოდებელი არ გამოსწორებს საგარანტიო პერიოდის განმავლობაში გამოვლინებულ ხარვეზს ან არ შეცვლის საქონელს ამ ხელშეკრულებით საგარანტიო პერიოდში გამოვლინებული ხარვეზის გამოსწორებისთვის/საქონლის შეცვლისთვის დადგენილ ვადებში - შესატყვისი ვადის გასვლიდან ხარვეზის გამოსწორების/საქონლის შეცვლის დღემდე ან ხელშეკრულების შეწყვეტის დღემდე, რომელი ვადაც უფრო ადრე დადგება.

6.3 „შემსყიდველის“ მიერ ხელშეკრულებით გათვალისწინებული საქონლის ღირებულების ვადაგადაცილებით (არადროულად) გადახდის შემთხვევაში, „მიმწოდებელი“ უფლებამოსილია მოსთხოვოს „შემსყიდველს“ პირგასამტეხლოს გადახდა გადაუხდელი თანხის 0,1% ოდენობით ყოველ ვადა გადაცილებულ დღეზე წინამდებარე ხელშეკრულების შეწყვეტამდე, ან თანხის სრულად გადახდამდე, რომელი ვადაც უფრო ადრე დადგება.

6.4 ხელშეკრულებით გათვალისწინებული ვალდებულებების ცალმხრივად შეუსრულებლობისათვის მხარეებს ეკისრებათ ვალდებულება ანაზღაურონ მიყენებული ზარალი სრული მოცულობით საქართველოს კანონმდებლობით დადგენილი წესით. ზარალის ანაზღაურება ან მისი მოთხოვნა არ აჩერებს ამ მუხლით გათვალისწინებულ პირგასამტეხლოს დარიცხვას.

6.5 „შემსყიდველი“ უფლებამოსილია სრულად მიწოდებული საქონლის ღირებულების ანაზღაურებისას გამოქვითოს (შეამციროს ანაზღაურება) ამ მუხლით გათვალისწინებული და „მიმწოდებელზე“ დარიცხული პირგასამტეხლოს თანხა „მიმწოდებლისათვის“ გადასახდელი თანხის ოდენობიდან. აღნიშნული გამოქვითვა არ შეიძლება გახდეს „მიმწოდებლის“ მხრიდან „შემსყიდველისათვის“ 6.3 პუნქტით გათვალისწინებული პირგასამტეხლოს დარიცხვის საფუძველი.

VII. ხელშეკრულების შესრულების კონტროლი

7.1 „შემსყიდველს“ ან მის წარმომადგენელს უფლება აქვს ხელშეკრულების შესრულების ნებისმიერ ეტაპზე განახორციელოს კონტროლი „მიმწოდებლის“ მიერ ნაკისრი ვალდებულებების შესრულებაზე.

7.2 „მიმწოდებელი“ ვალდებულია საკუთარი ხარჯებით უზრუნველყოს კონტროლის შედეგად გამოვლინებული ყველა დეფექტის ან ნაკლის აღმოფხვრა.

ელექტრონული ტენდერი SPA170006087 სს „საქართველოს სახელმწიფო ელექტროსისტემისათვის“ ძალოვანი კაბელის, ელ. სადენისა და მეზდამცავი გვარლის შესყიდვაზე. „მიწოდებელი“ - სს „საქკაბელი“.

7.3 „შემსყიდველის“ მხრიდან ხელშეკრულების შესრულებაზე კონტროლს ახორციელებს სს „საქართველოს სახელმწიფო ელექტროსისტემის“ სამეურნეო მართვის განყოფილების უფროსი - გიორგი დიხამინჯია, ეგზრეზილიტაციის სამსახურის უფროსი- ვახტანგ კვარაცხელია და ეგზრეზილიტაციის სამსახურის უფროსი ინჟინერი - ბესიკ ნაცვლიშვილი.

7.4 კონტროლი განხორციელდება მიწოდებული საქონლის ხარისხისა და მიწოდების ვადების შესაბამისობით ხელშეკრულების პირობებთან.

VIII. ფორს-მაჟორი

8.1 ხელშეკრულების პირობების ან რომელიმე მათგანის მოქმედების შეჩერება ფორს-მაჟორული გარემოებების დადგომის გამო არ იქნება განხილული როგორც ხელშეკრულების პირობების შეუსრულებლობა ან დარღვევა და არ გამოიწვევს საჯარიმო სანქციების გამოყენებას.

8.2 ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული მათ შეცდომებსა და დაუდევრობასთან და რომლებსაც გააჩნიათ წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნას ომით ან სტიქიური მოვლენებით, ეპიდემიით, კარანტინით, ემბარგოს დაწესებით და სხვა. ფორს-მაჟორის არსებობის საკმარის დამადასტურებელ ცნობად მხარეები განიხილავენ შესაბამისი ქვეყნის სავაჭრო-სამრეწველო პალატის მიერ გაცემულ სათანადო ცნობას.

8.3 ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისა და მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელნი იქნებიან ფორს-მაჟორული გარემოებების ზეგავლენისაგან.

IX. ურთიერთობა მხარეებს შორის

9.1 ნებისმიერი ოფიციალური ურთიერთობა ხელშეკრულების დამდებ მხარეებს შორის უნდა ატარებდეს წერილობით ფორმას. წერილობითი შეტყობინება, რომელსაც ერთი მხარე ხელშეკრულების შესაბამისად უგზავნის მეორე მხარეს, ხორციელდება საფოსტო გზავნილის ან ელექტრონული კომუნიკაციის გზით ხელმძღვანელობაზე ან /და წარმომადგენლობაზე უფლებამოსილი პირის ან ამ კონტრაქტის ფარგლებში უფლებამოსილი საკონტაქტო პირების (ელექტრონული კომუნიკაციის შემთხვევაში) მიერ. ოპერატიული კავშირის დამყარების მიზნით დასაშვებია შეტყობინების მეორე მხარისათვის მიწოდება ელ. ფოსტით (წერილის სკანირებული ვარიანტი) ან ფაქსის გაგზავნის გზით, შემდგომში ორიგინალის მიწოდების პირობით.

9.2 შეტყობინება შედის ძალაში ადრესატის მიერ მისი მიღების დღეს ან შეტყობინების ძალაში შესვლის დადგენილ დღეს, იმის მიხედვით, თუ ამ თარიღებიდან რომელი უფრო გვიან დგება.

9.3 ამ მუხლის პირველი პუნქტის მიზნებისთვის ელექტრონული კომუნიკაციის წარმოების პროცესში პასუხისმგებელი პირის დანიშვნა, საკონტაქტო საკითხების მითითებით ხორციელდება მხარის მიერ წერილობითი შეტყობინების საფუძველზე.

X. ხელშეკრულების პირობების შეცვლა და/ან ვადამდე მოშლა

10.1 ამ ხელშეკრულებაში ნებისმიერი ცვლილება და/ან დამატება შეიძლება შეტანილი იქნეს მხარეთა წერილობითი შეთანხმების საფუძველზე.

10.2 შესყიდვის შესახებ ხელშეკრულების პირობების შეცვლა დაუშვებელია, თუ ამ ცვლილების შედეგად იზრდება ხელშეკრულების საერთო ღირებულება ან უარესდება ხელშეკრულების პირობები შემსყიდველი ორგანიზაციისათვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევისა, ამასთან, ასეთ შემთხვევაშიც დაუშვებელია ხელშეკრულების ჯამური ღირებულების 10%-ზე მეტი ოდენობით გაზრდა.

10.3. ხელშეკრულება შეიძლება ვადამდე მოიშალოს:

10.3.1. მხარეთა შეთანხმებით;

10.3.2. ერთ-ერთი მხარის განცხადებით მეორე მხარის მიერ ხელშეკრულებით გათვალისწინებული პირობების არსებითად დარღვევის შემთხვევაში;

10.4 „შემსყიდველს“ შეუძლია ხელშეკრულება ვადამდე შეწყვიტოს:

10.4.1. თუ „შემსყიდველისათვის“ ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;

10.4.2. „მიწოდებლის“ გაკოტრების შემთხვევაში;

ელექტრონული ტენდერი SPA170006087 სს „საქართველოს სახელმწიფო ელექტროსისტემისათვის“ ძალოვანი კაბელის, ელ. სადენისა და მეხდამცავი გვარლის შესყიდვაზე. „მიმწოდებელი“ - სს „საქკაბელი“.

10.4.3 თუ მისთვის ცნობილი გახდება, რომ „მიმწოდებლის“ მიერ მოწოდებული ინფორმაცია ყალბი აღმოჩნდება, რაც წარმოადგენს, „შემსყიდველის“ მხრიდან ნდობის დაკარგვის საფუძველს.

10.4.4. საქართველოს კანონმდებლობით გათვალისწინებულ სხვა შემთხვევებში.

10.5 ამ მუხლის 10.4 პუნქტში მითითებულ შემთხვევებში „შემსყიდველი“ ვალდებულია აუნაზღაუროს „მიმწოდებელს“ სრულად მიწოდებული საქონლის ღირებულება.

XI. ხელშეკრულების შესრულების შეფერხება

11.1 თუ ხელშეკრულების შესრულების პროცესში მხარეები წააწყდებიან რაიმე ხელშემშლელ გარემოებებს, რომელთა გამო ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. შეტყობინების მიმღებმა მხარემ რაც შეიძლება მოკლე დროში უნდა აცნობოს მეორე მხარეს თავისი გადაწყვეტილება, მიღებული აღნიშნულ გარემოებებთან დაკავშირებით.

11.2 იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილების შეტანის გზით.

XII. დავათა განხილვა

12.1 ხელშეკრულების დამდები მხარეები თანხმდებიან მასზედ, რომ ყველა ღონეს იხმარენ, რათა მოლაპარაკებების მეშვეობით, შეთანხმებით მოაგვარონ ნებისმიერი უთანხმოება და დავა, წარმოქმნილი მათ შორის ხელშეკრულების ან მასთან დაკავშირებული საკითხების ირგვლივ.

12.2 თუ ასეთი მოლაპარაკების დაწყებიდან 30 (ოცდაათი) კალენდარული დღის განმავლობაში მხარეები ვერ შესძლებენ სადაო საკითხების შეთანხმებას, ნებისმიერ მხრეს დავის გადაწყვეტის მიზნით შეუძლია დადგენილი წესით მიმართოს საქართველოს სასამართლოს. დავის განხილვა მოხდება საქართველოს კანონმდებლობის შესაბამისად.

XIII. შესყიდვის ობიექტის მიღება-ჩაბარების წესი

13.1 მიღება-ჩაბარების აქტები ფორმდება ფაქტობრივად მოწოდებული საქონლის მიხედვით.

13.2 საქონლის მოწოდებისას „შემსყიდველის“ მიერ წინამდებარე ხელშეკრულების 7.3 ქვეპუნქტით განსაზღვრული პირი ამოწმებს მოწოდებული საქონლის შესაბამისობას წინამდებარე ხელშეკრულების

პირობებთან, ხარვეზების (წუნდების) არ არსებობის შემთხვევაში ფორმდება მიღება-ჩაბარების აქტი ფაქტობრივად მიღებული საქონლის მიხედვით „შემსყიდველსა“ და „მიმწოდებელს“ შორის.

13.3 საქონელი მიღებულად ჩაითვლება მხარეთა შორის მიღება-ჩაბარების აქტის გაფორმებისთანავე. მიღება-ჩაბარების გაფორმების შემდგომ პასუხისმგებლობა საქონელზე გადადის შემსყიდველზე.

XIV. ხელშეკრულების მოქმედების ვადები

14.1. ხელშეკრულება ძალაში შედის მხარეთა მიერ ხელმოწერისთანავე.

14.2. ხელშეკრულების მოქმედების ვადა ამოწურულად ჩაითვლება აღნიშნული პირობების შესრულებისთანავე, მაგრამ არაუგვიანეს 2017 წლის 31 ოქტომბრის ჩათვლით, ხოლო საგარანტიო ვალდებულებების ნაწილში საგარანტიო ვადის ბოლომდე.

XV. ხელშეკრულების სხვა პირობები

15.1 ხელშეკრულება შედგენილია ქართულ ენაზე ორ ეგზემპლარად და ყოველ მათგანს გააჩნია თანაბარი იურიდიული ძალა.

15.2 ამ ხელშეკრულებით გათვალისწინებულ შემთხვევებში, მხარეები მოქმედებენ საქართველოში მოქმედი კანონმდებლობის თანახმად.

15.3 წინამდებარე ხელშეკრულებით გათვალისწინებული პირობები შესასრულებლად სავალდებულოა მხარეთათვის და მათი შესაბამისი სამართალმემკვიდრეებისა და უფლებამონაცვლეთათვის. დაუშვებელია წინამდებარე ხელშეკრულებით გათვალისწინებული ვალდებულებების გადაცემა სხვა მხარისათვის მეორე მხარის წინასწარი წერილობითი თანხმობის გარეშე.

15.4 წინამდებარე ხელშეკრულებით გათვალისწინებული პირობები, პროგრამის დეტალები, ხელშეკრულების ფარგლებში „მიმწოდებლისთვის“ „შემსყიდველის“ მიერ მიწოდებული ან/და თანდართული მომსახურების გაწევის დროს გაცვლილი ნებისმიერი ინფორმაცია წარმოადგენს კონფიდენციალურ ინფორმაციას და

ელექტრონული ტენდერი SPA170006087 სს „საქართველოს სახელმწიფო ელექტროსისტემისათვის“ ძალოვანი კაბელის, ელ. სადენისა და მეხდამცავი გვარლის შესყიდვაზე. „მიმწოდებელი“ - სს „საქკაბელი“.

არ უნდა მოხდეს მათი გამჟღავნება სხვა მხარისათვის, გარდა კანონმდებლობით გათვალისწინებული შემთხვევებისა.

15.5 წინამდებარე ხელშეკრულება დაიდო სახელმწიფო შესყიდვის შესახებ საქართველოს კანონის მე-3 მუხლის პირველი პუნქტის ე) ქვეპუნქტის შესაბამისად.

XVI . მხარეთა რეკვიზიტები

“შემსყიდველი”:

სს „საქართველოს სახელმწიფო
ელექტროსისტემა“

ქ. თბილისი, ბარათაშვილის ქ. №2
საიდ. კოდი: 204995176
სს „თიბისი ბანკი“
ცენტრალური ფილიალი
ბანკის კოდი: TBCBGE22
ანგარიშის № GE02TB0600000102467636

“მიმწოდებელი”:

სს „საქკაბელი“

ქ. თბილისი, დ. გამრეკელის #19, ოფისი 414
T: +99532 222 14 18
საიდ.კოდი: 230 026 888
სს „თი ბი სი ბანკი“
ბანკის კოდი: TBCBGE22
ანგარიშის № GE21TB0300000010467415

სულხან ზუმბურიძე
მმართველთა საბჭოს თავმჯდომარე /
რეაბილიტაციის მმართველი



1. გყ

კონსტანტინე ჯანაშვილი
კომერციული დირექტორი



ელექტრონული ტენდერი SPA170006087 სს „საქართველოს სახელმწიფო ელექტროსისტემისათვის“ ძალოვანი კაბელის, ელ. სადენისა და მეხდამცავი გვარლის შესყიდვაზე. „მიმწოდებელი“ - სს „საქკაბელი“.

დანართი # 1
ფასების ცხრილი:

#	საქონლის დასახელება	მწარმოებელი კომპანია/წარმოშობის ქვეყანა	რაოდენობა	ერთეულის ფასი დღგ-ს ჩათვლით (ლარი)	ჯამური ფასი დღგ-ს ჩათვლით (ლარი)	საქონლის მოწოდების ვადა	სს „სსე“-ს კლასიფიკატორის კოდი
	1	2	3	4	5	6	
1	ელ.სადენი NYM-ი 3X 2,5 (სპილენძის) ერთძარღვა	სს "საქკაბელი"-საქართველო	300 მეტრი	1,99	597	ხელშეკრულების გაფორმებიდან 10 სამუშაო დღე	07.09.01.03
2	ელ.სადენი პვს 3X 2,5 (სპილენძის) მრავალძარღვა	სს "საქკაბელი"-საქართველო	250 მეტრი	1,77	442,5	ხელშეკრულების გაფორმებიდან 10 სამუშაო დღე	07.09.01.03
3	მეხამრიდი ფოლადის გვარლი C -50 (πκ)	სს "საქკაბელი"-საქართველო	2900 კგ.	5,25	15225	ხელშეკრულების გაფორმებიდან 40 კალენდარული დღე	01/04/03/03
4	ფოლად-ალუმინის სადენი ACKII-120/27	სს "საქკაბელი"-საქართველო	1175 კგ.	7,52	8836	ხელშეკრულების გაფორმებიდან 40 კალენდარული დღე	01/04/03/01
5	დანადგარის დამიწებისთვის სპილენძის მრავალწვერა იზოლირებული სადენი 1*95 მმ	სს "საქკაბელი"-საქართველო	149 მეტრი	21,94	3269,06	ხელშეკრულების გაფორმებიდან 40 კალენდარული დღე	07/09/01/05
6	1კვ (1X70მმ2) სპილენძის არაეკრანირებული კაბელი, არაბრონირებული	სს "საქკაბელი"-საქართველო	600 მეტრი	14,39	8634	ხელშეკრულების გაფორმებიდან 40 კალენდარული დღე	07/01/04
7	ძალოვანი კაბელი სპილენძის ეკრანირებული 0,4კვ (3X95+1X50მმ2), არაბრონირებული	სს "საქკაბელი"-საქართველო	350 მეტრი	83,07	29074,5	ხელშეკრულების გაფორმებიდან 40 კალენდარული დღე	07/01/04
მთლიანი ფასი დღგ-ს ჩათვლით					66078,06		

- ❖ საქონლის მთლიანი ღირებულება შეადგენს 66 078.06 (სამოცდაექვსი ათას სამოცდათვრამეტი ლარი და 6 თეთრი) ლარს დღგ-ს ჩათვლით და ითვალისწინებს ყველა ხარჯს, მათ შორის ტრანსპორტირებას შემდეგ მისამართზე: ქ. თბილისი. ქინძმარაულის ქუჩა #29, სს „სსე“-ს მატერიალურ-ტექნიკური ბაზის ცენტრალური საწყობი

“შემსყიდველი”
სს „საქართველოს სახელმწიფო ელექტროსისტემა“
სულხან ზუმბურიძე
მმართველთა საბჭოს თავმჯდომარე
რეაბილიტაციის მმართველი
ბ.ა

„მიმწოდებელი“
სს „საქკაბელი“

კონსტანტინე ჯანაშვილი
კომერციული დირექტორი
ბ.ა

ელექტრონული ტენდერი SPA170006087 სს „საქართველოს სახელმწიფო ელექტროსისტემისათვის“ ძალოვანი კაბელის, ელ. სადენისა და მეხდამცავი გვარლის შესყიდვაზე. „მიმწოდებელი“ - სს „საქკაბელი“.

დანართი # 2

საქონლის ტექნიკური პარამეტრები და რაოდენობა

ცხრილი #1

საქონლის დასახელება	საქონლის ტექნიკური პარამეტრები		
1	2		
მეხამრიდი ფოლადის გვარლი 	C-50 (TK) მარკის		
	ГОСТ 3063-80		
	წონა	2 900 კგ.	
	დiameterი	გვარლი 9,1 მმ.	
		წვერები	ცენტრალური 1 წვერი - 1,90 მმ. ფენებში 18 წვერი - 1,80 მმ.
	მთლიანი საანგარიშო კვეთი	48.64 მმ²	
	1000 მეტრი გაპოხილი გვარლის საორიენტაციო წონა	417.5 კგ	
	ჯგუფური აღნიშვნა, ნ/მმ2 (კგწ/მმ2) 1370(140)	ყველა წვერის, ჯამური გამწყვეტი ძალა 66905 ნ. მთლიანად გამწყვეტი ძალა - 60166 ნ.	

- გვარლის წვერები უნდა იყოს მოთუთიებული შესაბამისი ჯგუფის მიხედვით;
- გვარლის ყველა ფენა უნდა იყოს შეპოხილი გაძლიერებული თერმომედევი პოხით.
- გვარლი მოწოდებული უნდა იყოს 2 დოლურაზე დახვეული , თითოზე არანაკლებ 3400 მეტრის უწყვეტი სიგრძით.

ელექტრონული ტენდერი SPA170006087 სს „საქართველოს სახელმწიფო ელექტროსისტემისათვის“ ძალოვანი კაბელის, ელ. სადენისა და მეხდამცავი გვარლის შესყიდვაზე. „მიმწოდებელი“ - სს „საქკაბელი“.


ცხრილი #2

საქონლის დასახელება	საქონლის ტექნიკური პარამეტრები	
1	2	
ფოლად-ალუმინის სადენი 	АСКП-120/27	
	ГОСТ 839-80	
	წონა	1 175 კგ.
	ნომინალური კვეთი	120/27 მმ ²
	კვეთი ალუმინი/ ფოლადი	114 / 26,6 მმ ²
	დიამეტრი	სადენი 15,4 მმ.
		ფოლადის ნაწილი 6,6 მმ.
	1 კმ სადენის ელექტრული წინაღობა მუდმივ დენზე 20°C ტემპერატურისას	0.253 ომი
	გამწვევები ძალა	55611.6 ნ.
	საანგარიშო პარამეტრები: 1 კმ. სადენის წონა	ალუმინის 320 კგ.
		ფოლადის 208 კგ.
		მთლიანი 528 კგ.
		სადენის პოხი 37,0 კგ.

- ❑ სადენი მოწოდებული უნდა იყოს დოლურაზე დახვეული უწყვეტი სიგრძით;
- ❑ სადენის შესაპოხად გამოყენებული უნდა იყოს გაძლიერებული თერმომდეგობის პოხი.
- ❑ მოსაწოდებელი სადენის წონის ცდომილება დასაშვებია არაუმეტეს $\pm 3\%$;
- ❑ დოლურას დიამეტრი უნდა იყოს $1500 \div 2500$ მმ;

ელექტრონული ტენდერი SPA170006087 სს „საქართველოს სახელმწიფო ელექტროსისტემისათვის“ ძალოვანი კაბელის, ელ. სადენისა და მეხდამცავი გვარლის შესყიდვაზე. „მიმწოდებელი“ - სს „საქკაბელი“.

ცხრილი #3

საქონლის დასახელება	საქონლის ტექნიკური პარამეტრები	
1	2	
	სიგრძე 149 მეტრი	
	ПВ1-II კლასი 95 მმ (ГОСТ 22483-77)	
დანადგარის დამიწებისთვის სპილენძის მრავალწვერა იზილირებული სადენი 1*95 მმ 	დასაშვები ტემპერატურა ექსპლუატაციისას	-50°C-დან +65°C-მდე
	მონტაჟის დროს, იზოლაციის დაზიანების გარეშე, მინიმალური გადაღუნვის რადიუსი	ღუნვის რადიუსი 5X სადენის დიამეტრი
	იზოლაციის ტიპი	პოლივინილხლორიდი
	1 კმ სადენის საანგარიშო წონა	≈ 919,7 კგ
	ერთი მთლიანი უწყვეტი ნაჭერი	მთლიანი უწყვეტი ნაჭერი 83 მეტრი
	მეორე მთლიანი უწყვეტი ნაჭერი	მთლიანი უწყვეტი ნაჭერი 66 მეტრი

ელექტრონული ტენდერი SPA170006087 სს „საქართველოს სახელმწიფო ელექტროსისტემისათვის“ ძალოვანი კაბელის, ელ. სადენისა და მეხდამცავი გვარლის შესყიდვაზე. „მიმწოდებელი“ - სს „საქკაბელი“.

ცხრილი #4

#	საქონლის დასახელება	საქონლის ტექნიკური პარამეტრები	
1	2	3	
	1კვ (1X70მმ ²) სპილენძის არაეკრანირებული კაბელი, არაბრონირებული	ГОСТ 16442-80; IEC 60228	
		კაბელის მარკა	BBГ 1x70 მმ ²
		სიგრძე	600 მეტრი
		ძარღვის რაოდენობა	ერთი (ერთფაზა)
		დენგამტარი	სპილენძი
		ნომინალური ძაბვა	1 კვ
		დენგამტარის კვეთი	70მმ ²
		იზოლაციის ტიპი	პოლივინილქლორიდი
		კაბელის ჩადების გარემო	კაბელგანი
		მაქსიმალური სამუშაო ტემპერატურა	+70°
		გარემო ტემპ.	-50° +50°

- კაბელის სიგრძე უნდა იყოს უწყვეტი 600 მეტრი ერთ ბარაბანზე.
- კაბელს უნდა ჰქონდეს მეტრაჟის აღნიშვნა ყოველ ერთ მეტრში.

ელექტრონული ტენდერი SPA170006087 სს „საქართველოს სახელმწიფო ელექტროსისტემისათვის“ ძალოვანი კაბელის, ელ. სადენისა და მეხდამცავი გვარლის შესყიდვაზე. „მიმწოდებელი“ - სს „საქკაბელი“.

ცხრილი #5

საქონლის დასახელება	საქონლის ტექნიკური პარამეტრები	
1	2	
ძალოვანი კაბელი სპილენძის ეკრანირებული 0,4კვ (3X95+1X50მმ2) არაბრონირებული	ГОСТ 16442-80 ; IEC 60228	
	კაბელის მარკა	BBF9
	სიგრძე	350 მეტრი
	ძარღვის რაოდენობა	4 (სამი ფაზა, ერთი ნულოვანი)
	დენგამტარი	სპილენძი
	ნომინალური ძაბვა	0.6 კვ
	დენგამტარის კვეთი	3X95+1X50მმ2
	იზოლაციის ტიპი	პოლივინილქლორიდი
	კაბელის ჩადების გარემო	კაბელგანი
	მაქსიმალური სამუშაო ტემპერატურა	+70°
	გარემო ტემპ.	-50° +50°

- კაბელის სიგრძე უნდა იყოს უწყვეტი 350 მეტრი ერთ ბარაბანზე.
- კაბელს უნდა ჰქონდეს მეტრაჟის აღნიშვნა ყოველ ერთ მეტრში.

ცხრილი #6

#	საქონლის დასახელება	რაოდენობა
1	ელ.სადენი 3 X 2,5 (სპილენძის) ერთძარღვა NYM 3x2.5	300 მეტრი
2	ელ.სადენი პვს 3X2,5 (სპილენძის) მრავალძარღვა	250 მეტრი

“შემსყიდველი”
სს „საქართველოს სახელმწიფო ელექტროსისტემა“

სულხან ზუმბურიძე
მმართველთა საბჭოს თავმჯდომარე/
რეგულირების მმართველი



„მიმწოდებელი“
სს „საქკაბელი“

კონსტანტინე ჯანაშვილი
კომერციული დირექტორი

